

湖南第五

洪楊革命三得武昌而三失之以長沙始終爲清有能撫其背也鄂軍之變因川亂川路險遠聲氣阻絕難爲助所急欲下者湖南耳湖南故多黨人自譚嗣同唐才常先後被難黃興宋教仁劉揆一等復興然亡命歷年不歸焦達峯者洪江會首也恆言其部下有萬餘人可用黨人譚人鳳文斐曾燕等欲以焦部發難炸督署焦部多流氓未得多數同意黎元洪信使日至不能遽應也然蓄慮待發甚急黨人陳作新黃翼球吳作霖等日赴軍營稱說革命軍人或信或否不遽從諮議局議長

譚延闓見事急亦言於眾曰文明革命與草竊異草竊爲篇

中眼目却借譚口說出史記多此法當與世家巨族軍界長官謀之延闓

故世家子物望所歸軍人聞其言則大謹曰譚翰林且

言之大事可行交語互勉不數日巡防營新軍皆變後爲

譚爲都督伏線湘事始終賴譚翰林收束故出語卽與眾不同清末廢科舉謂其不足得人才也孰謂眞革命家乃在科舉中出乎八月辛酉夜城外礮營舉火馬隊是知人貴讀書也

營應之而輜重營寂然城內亦未舉火翌日各營代表

集會於福壽茶樓議久不決且責陳作新約期不實作

新垂涕曰事至此有死耳李德羣拍案叱曰等死坐以

待死卽亟行可不死眾鼓掌和之約九月朔黎明舉事

學史記三字兩字
句法廉悍之至

至期城外新軍易棠齡等分攻小吳門北門次第入初湘撫余誠格視事甫數月鄂事起知新軍不可恃而鎮統蕭良臣北人部下不服從乃起湘紳黃忠浩爲中路巡防營統領主兵事忠浩說誠格檄新軍分駐常辰衡永以散其勢而調巡防營入衛由是新軍愈疑懼要給予彈不卽行至是突變以一隊攻軍械局局長嚴家熾走以一隊攻撫署署兵皆逃散當是時中路巡防營亦變黃忠浩方計事撫署聞警與余誠格偕出堂皇撫變兵變兵要誠格爲都督誠格佯允之從間道亡去護弁楊詠松挾忠浩從又一村出遇亂兵

被執擁至小吳門城樓上殺之。忠浩，黔陽人，饒幹畧兼資文武，少受知於張之洞。陳寶琛以諸生治軍，迭平廣西寇亂，補狼山鎮總兵，及歸湘於新政，尤盡力爲士望所附。倉卒被戕，士論惜之。當變兵擾攘時，黨人焦達峯、陳作新、聞余撫走而忠浩死也，徑往諮議局開會。時各界均未至，祇同黨二十餘人。達峯昌言曰：余在湘謀革命最先，又最久，功首宜爲正都督。陳作新臨事奔走，俾新軍防軍並行不悖，功次宜爲副都督。文斐如言以紅紙大書黏壁曰：正都督焦達峯，副都督陳作新，無梗者寫草竊如畫。達峯卽着清制協統服，坐堂皇決事。初，黨人擬

事成舉譚延闓爲都督黃忠浩爲鎮統及達峯出示市民訝其人陸軍小學校長夏國楨率全校生至諮議局抗詞詰問軍界和之幾譁變譚延闓聞之亟出席語衆曰焦都督旣舉定宜合力建國家謀幸福今以天下之大舉義者僅一二省民軍方萌芽豈爭都督時哉衆聞言始靖

再寫譚異於草竊爲充都督作勢

初藩司鄭孝胥到官八日以

事急託故去學司黃以霖攝藩篆余誠格旣走提法使劉鍾琳巡警道桂齡皆走獨以霖守藩署不去民軍過衛兵輒擊之并遣人至舟中與余誠格謀調飛翰選鋒兩水師內外應屆恢復焦達峯麾機關槍攻之譚延闓

曰是易與耳。卽說以霖出城走。長沙知縣沈瀛。明幹宦湘楚有聲。黨人執之。請爲長沙知府。不許。知縣仍不許。管帶蔣國經。怒叱之。瀛亦怒曰。使余撫聽吾言。焉有今日。今已矣。吾力不能殺若。若速殺吾。國經卽命曳出斫首。旣又惜其材。復曳回。囚於諮議局。與候補知縣申錫綬相對。終日不食。國經知不可屈。翌日并殺之。候補道王毓江亦被執。不降。與瀛等同死。焦達峯旣爲都督。以曾杰楊守貞文斐爲秘書。譚人鳳任震爲顧問。時都督印信未刊。輒取草紙一方。上書都督焦。令某爲某官。下鈐四正小印。四正者罡字。洪江會暗號也。日委署十數。

人凡城內廟宇公廨旅邸皆高懸旗幟招兵流氓乞丐
車轎擔役均入伍無軍械戎裝胸前拖長帶高髻絨球
謂是漢官威儀

寫草竊彷彿劉盆子初起景象

大盜馮廉直者洪江會

首也囚已三年至是出獄充標統募三百人駐湘潭尋
殺夙仇氛惡甚湘潭知事余屏垣紳士黎丹求救於譚
延闓延闓詰都督都督曰無之延闓曰若然廉直可斬
也卽以軍政部長令檄水師管帶陳開雲及巡防營擊
殺之焦陳之爲都督非衆意及見舉錯果乖謬衆乃舉
譚延闓爲軍政部長繼復建設叅議院仍以延闓爲院
長凡募兵給餉任免官吏將校經叅議院可決方得施

行而同盟會黨人譚人鳳曾杰等特不便也復建議撤
廢叅議院軍政部集權都督而焦陳亦自知望不屬宣
言辭職作新已出府不視事矣達峯爲同黨閻鴻飛刼
持不得去達峯常着袈龍服爲譚人鳳所見斥之曰子
行誅死矣

山雨欲來風滿樓文有以突爲貴者如湖北
篇諸突筆是也有不以突爲貴者此類是也

梅馨者五十標二營管帶自益陽歸謁都督計事都督
語不經遽拂衣出言於衆曰焦非元帥陳酒瘋耳達峯
等頗聞其語惡之然恃衆不爲備馨卽開軍事會議密
計誅焦陳無敢諾者時五十標標統余欽翼已遷爲第
一師軍統久之語馨曰茲事體大請不助君亦不阻君

馨曰如約甲戌達峯召各界詣諮議局會議會次譚人
鳳閣鴻飛任震等建議撤廢各機關集權都督譚延闓
出席辭議長軍政部長職會畢達峯歸時陳作新亦出
北門鎮撫和豐公司兌紙幣亂梅馨卽遣隊官袁富榮
率兵躡之遇諸途曳作新下馬斷其首首已剪髮無可
携乃以指鈎其口而還文事趣并遣隊官吳家幹率兵至
都督府列陣門外稱有要公要都督判決達峯趙趙出
卽曳至轅門坪內石獅前斬之寫梅馨殺焦陳有聲勢當是時焦
部下屯集府內外如織矛戟森列皆錯愕不敢動新軍
復鳴槍兩排示威城內居民聞聲喧騰搶攘出奔者數

萬焦陳既誅死衆卽舉梅馨爲都督馨曰吾爲湖南斬
亂耳若居此是利之也人其謂我何衆卽舉譚延闓遣
目兵八人護肩輿往迎排入堂奧大呼曰誰爲譚延闓
者延闓驚悸失色固遜謝不行軍士不得已以四人強
負之入輿四人昇之飛奔逕去其家人以吉凶不可卜
舉室號咷若臨喪然

前路步步爲此作勢其來也如虎其去也如風石破天驚逗秋雨自

此以下草竊招牌始摘去

延闓既就職念焦陳光復有功厚殮之卹

其家各萬金復慮其黨爲患也使仍任職初府內人衆
凌雜內外廳卧榻錯陳無隙地可容几案每餐四百餘
席至是以唐乾一陳炳煥黃翼球草定章制分職別掌

汰冗去囂。府內廓清。城內新募兵。命余欽翼危道豐巡視。定留遣省垣。畧定初。南路巡防統領張其鏗聞焦達峯爲都督。卽連結桂林軍欲攻之。永州統帶黃岱黃忠浩舊部亦欲復仇。及聞達峯誅死。譚延闓爲都督也。均按兵不動。衡州知府顯祿因焦達峯有令殺旗人首棄官逃。顯祿嘗救唐乾一。乾一護出境。於是各屬州縣官聞風潛遁。及爲暴民逐殺者不可勝數。衡岳以南土匪蠭起。雲湧大言曰。焦大哥爲都督。今日我洪家天下矣。草竊餘波衡爲南路重鎮。譚延闓旣爲都督。憂之。劉嶽峙者

衡山人也。請歸里募團練。延闓許之。嶽峙遽招洪江會

五千人黨人周果一煽之日焚掠延闔檄府知事殺果一事洩果一逃以李漢丞李汝梅代嶽峙汰洪寇申法令賊氛始熄復遣唐維藩爲衡永彬桂安撫使維藩前官鄂有能名聞命卽行率衛兵數十人周歷各屬清除積寇拊循良善南路畧定當是時岳州已下湘援鄂兵通行無阻而黨人鄒代藩據寶慶爲都督代藩弟代烈不法譚延闔遣譚心休以兵兩營逼寶慶殺代烈代藩改稱府知事中路亦定矣獨西路未下

陸續洗刷草竊之毒步騶清晰

西路巡防統領陳斌生者亦黃忠浩舊部也駐常德講演團楊任等演說至常勢汹汹常人多惡之斌生遂疑

楊任等實殺忠浩。會忠浩柩至常，斌生卽與管帶陳書田捕楊任等七人殺之，剖其心以祭。辰沅永靖道朱益濬、鎮筵總兵周瑞龍、辰州府知府景方祖均固守不降。初，長沙急，巡撫檄瑞龍選精壯千人詣長沙。瑞龍命游擊楊讓梨率以行，至常德河洑鎮，聞長沙陷，卽回軍辰龍關。時景方祖募兵備攻守，得讓梨軍大喜，卽請瑞龍留楊軍不遣，繕治關卡，分戍諸邊隘塞，而供其糈餉。朱益濬亦徵集所部，與綏靖鎮總兵續福兵合，議討賊。勤王長沙大震，譚延闓遣龍璋爲西路巡按使，率標統李季洪赴常德備變。陳斌生旣爲季洪等所迫，軍又久

飢龍璋至輒饋之大歡輯兵不動周瓚者瑞龍子官武昌降民軍自請說降鎮筰軍武昌軍政府縱之往瓚因先以書說瑞龍事爲朱益濬所聞索觀其書甚急瑞龍諱之乃密遣人阻瓚勿來瓚因造流言煽辰軍幾變楊讓梨卽上書瑞龍勉以大義滅親全晚節並代瑞龍傳檄諸軍名捕瓚瓚乘舟遁滕代春者鎮筰營弁因請餉赴長沙長沙獨立降亦以書說瑞龍瓚之來實預其謀至是瓚不得逞代春乃密謀由鎮筰發難糾黔蜀土寇千餘夜襲鎮城鎮標兵承瑞龍旨聞與通道標兵自城上擊之會駐辰哨弁李鳳鳴率兵回鎮亦夜至內外夾

攻之殺二百餘人寇乃遁代春計仍不行復說瑞龍稱疾委中軍攝篆集衆庭中云道庫餉多朱道稽不發以激怒衆衆果大譁出懸白旗擁瑞龍爲軍政分府道標兵隨亦變朱益濬被逐去十一月甲戌譚延闓檄瑞龍仍爲總兵兼攝道篆並檄瑞龍以兵護益濬歸江西鎮草旣下越二日楊讓梨景方昶始知讓梨以孤軍難守厚犒之遣還鎮方昶亦走周瓚之被逐恨讓梨至是卽入辰爲主捕讓梨獲之械致常德龍璋營中璋責其負固且說之降讓梨曰汝與譚延闓皆土族讀書世受國恩胡乃反耶璋怒殺之綏靖鎮總兵續福亦爲延闓說

降待以殊禮。於是綏靖與鎮筵俱下。西路亦爲軍政府。所有自九月朔。長沙起義。至西路平。凡三月。湖南大定。

總束筆力千鈞

當鎮筵之未下。馮國璋攻破漢陽。湘鄂潰軍紛

紘。上竄岳州。鎮守使唐蟒及府知事逃竄一空。常德陳斌生本持兩端。至是亦整軍待變。長沙兩面受敵。幾崩潰矣。及和議起。北軍止攻。始知袁內閣別有用意。羣慶

再安。

敘此以見項城醞釀共和之功

延闔沈毅有爲。自視事以唐乾一。

劉炳煥。彭國鈞。黃翼球等爲腹心。竭智盡慮。定亂理棼。爬梳數月。諸事辦理。又遇事能持大體。元年夏。首致餉三十萬於政府。以風諸鎮。聲望埒於蔡。鶚亞於黎。元洪。